

## ANDIKAN

**Job 17:9; Luke 9:62; 1 John 5:4;  
Eriyarare 2:7, 11, 17, 26, 27; 3:5, 12, 21.**

**QYQHỌ UKPEP-ŃKPỌ 425**

**Eke Mkparawa**

**IKỌ IBUOT: “Owo eke akande eyeda ńkpọ emi enyene; ndien nyedi Abasi esie, enye eyenyuń edi eyen Mi” (Eriyarare 21:7).**

### **Edisaña Ke Uńwana**

Ukpep-ńkpọ nnyin mfin abaña andikan. Andikan edi owo emi minamke idiok-ńkpọ, emi onimde kpukpru mbet Abasi emi enye ofiokde. Okposuk edi nte nnyin imanade obufa, inyuń itońode ndidi mme anditiene-Christ ikureke ke oro. Ana nnyin ika iso isaña ke uńwana emi Abasi, emi akande se nnyin ikobode, nnyin inyene ndiyom nnyuń mbọ oro ńko. Abasi enyene mme utibe edidiń ọno Ikọt Esie, Enye onyuń adara ndiyak nno mmọ. Edi ana nte nnyin inim mme mbet Esie, inyuń inyime Enye ada nnyin usuń edieke iyomde ndibọ mme edidiń emi.

“Usuń nti owo ebiet uńwana eke asiahade, aka iso ayama, tutu osim ufọt uwemeyo” (Mme ńke 4:18). Nte ini akade iso, nnyin inyuń isańade ke uńwana, nnyin ikabare ibiet Jesus. Inaha nnyin ifiak edem ikanam idiok. Abasi enyene ukeme ndimum nnyin ńkama edieke nnyin iyomde Enye omum nnyin akama. “Koro kpukpru owo eke Abasi okobonde ekan ererimbot” (1 John 5:4).

Edieke owo anamde idiok me onyuń etrede ndisaña ke uńwana emi Abasi ọnode enye, uńwana oro eyekabare ekim, ndien enye ididighe aba andikan. ńwed Abasi ekpep nnyin ete ke ana enam nnyin isana ke ema enyaña nnyin. Edieke inyenede uńwana oro edi nnyin isin ndisaña ke esit, erinyaña nnyin eyetre. Ọbọń etiń se anade nnyin inam, edi edieke isinde ndinam, nnyin ididighe mme andikan.

“Baba owo kiet emi akabarede ese edem, ke enye ama ekesin ubok ke ufuń-isọń, ikemeke ndinam utom Ubọń Abasi” (Luke 9:62). Edieke owo akabarede ese edem ke ini enye ofuńde isọń, se enye ofuńde eyekwaña. Ana enye ese iso ye ebiet eke enye akade man enye ofuń nte enende. Kpasuk ntre, anditiene-Christ enyene ndiwuk enyin ke se enye oyomde, kpa nsinsi uwem, ke midighe ntre, usuń esie eyekwaña. Se enye oyomde akan ke uwem edi ndinem Abasi esit. Ekeme ndidi ke ema enyaña enye ini kiet ko, enye ama onyuń anam ńkpọ ọno Abasi ke akpanikọ, edi ekem enye ọwọńore enyin ọtọńo ntak ese mme inemesit idiok-ńkpọ onyuń enyene udọń abaña udori ńkpọ ererimbot akan ndibiet Jesus, ke ntre enye ọduok udọń ndinem Abasi esit.

### **Mme Ekikere Nnyin**

ńwed Abasi ọdọhọ ete: “Fehẹ kpọń mme idiok itọń ini uyen, nyuń tiene mmọ eke esemede ekot Ọbọń ke edisana esit, bine edinen ido, ye mbuotidem, ye ima, ye emem” (2 Timothy 2:22). Mme ekikere ke abaña mme idiok-ńkpọ eke mbon efen enamde ekeme nditap mkparawa man mmọ edu otime-otime uwem tutu ada mmọ ọkọsuńọ ke mmọ ndinana edisana esit. Idem ndikere mbaña idiok-ńkpọ emi mbon efen enamde ekeme ndinam esit owo edehe. Etiń enọ nnyin ke ńwed Abasi se nnyin ikpekerede ibaña: “ńkpọ ekededi eke edide akpanikọ, ye ńkpọ ekededi eke enyenede ukpono, ye ńkpọ ekededi eke enende, ye ńkpọ ekededi eke edide edisana, ye ńkpọ ekededi eke odotde ete ema, ye ńkpọ ekededi eke ọwọrọde eti etop; edieke eti ido odude ke ńkpọ, edieke itoro onyuń odude, ekere ńkpọ oro” (ńwed Mbon Philippi 4:8).

### **Ndikut Jesus Ke Mbuotidem**

Ke ini nnyin imanade obufa, Jesus odu ke esit nnyin ukem nte Enye okpodude ye nnyin ke obukidem. Ke mbuotidem nnyin “ikut” Enye. Nnyin inyuń ifiok ite ke Enye odu ye nnyin, ke ntre imekeme ndikot Enye ke ini ekededi emi nnyin iyomde. Enye edi nsaña nnyin kpukpru ini. Etiń enọ nnyin ebaña Moses ete “Oto mbuotidem, enye ọwọrọ ọkpọń Egypt, ifeheke iyaresit edidem; koro enye

osonode ada nte nkpọ eke okutde Enye emi enyin owo mikwe” (Mme Hebrew 11:27). Enye ama enyene ime; enye ekedi andikan. Enye ikekwe Jesus, edi ama ofiok ete ke Enye okododu ye imọ.

Nso utọ utibe-nkpọ ke ekedi owo ndisaña ye Jesus ke ini Enye okodude ke ererimbot! Edi ama odu uwak mme owo emi ekecutde Enye emi mikenimke Enye ke akpanikọ. Jesus ama odohọ owo mbet Esie kiet ete “Sia ama okokut Mi, omonim ke akpanikọ? ofofon onọ mmọ emi mkekwe, edi enimde ke akpanikọ” (John 20:29). Nnyin idu ke otu mmọ emi enimde Jesus ke akpanikọ okposuk edi nte nnyin mkekwe Enye ke obukidem. Mbuotidem nnyin okonọ ke Jesus. “Emi edi erikan eke akakande ererimbot, kpa mbuotidem nnyin” (1 John 5:4). Nte nnyin iyakde idem nnyin inọ Abasi, nnyin inyene mbuotidem ke Enye. Nnyin nko inyuñ ibuana ke mme edidiọñ Esie inyuñ idi mme andikan.

Jesus okodohọ ete edieke nnyin inimde Enye ke akpanikọ, nnyin iyenim mme mbet Esie. Mme mbet Abasi enam nnyin idara: mmọ edi uñwana enọ usuñ nnyin, edi mmọ ke eda ekok ubiak nnyin, mmọ enyuñ edi udia ukpọñ nnyin. Mmọ enọ nnyin item ke edinen-ido enyuñ esua enọ nnyin ke inamde idiok. Mmọ esonọ nnyin idem ke ini idude ke mfina, ebọp enyuñ enam nnyin isonọ ida ke mbuotidem.

### **Ndinam Ukpep-nkpọ Abasi Enyene Uku**

Ekpep nnyin ete “enam ukpep-nkpọ Abasi Andinyaña nnyin enyene uku ke kpukpru usuñ” (Titus 2:10). Paul ama etiñ onọ mbon Corinth ete “Mbufo edi nwed nnyin, emi ewetde ke esit nnyin, emi kpukpru owo efiokde enyuñ ekotde” (2 Nwed Corinth 3:2). Andikan ayama ke otu mme anam-idiok, owut ererimbot nworọ-nda ukpuhore emi odude ke ufot anditiene-Christ ye anam-idiok. Uwem esie anam ufok Abasi “enyene uku” onyuñ anam ukpono Abasi eye akan.

Uwem eke nnyin idude ke ererimbot emi eyesim nsinsi ini. Ke ini nnyin inyenede Christ, ukpono Abasi emem. Ke odudu idem nnyin, nnyin ikemeke ndidi andikan edi edieke odudu nnyin otode Abasi, nnyin ndien idi mme andikan. Ke Ecclesiastes 9:11 imokot: “Ntie ke idak utin nkabare, nnyin nkut nte ke idighe mbon nsop-itok ekan ke mbuba, inyuñ idighe mbon-uko ekan ke ekon.” Idighe mbon-uko ke ikpohidem ke ererimbot edi mbon-uko ke utom Abasi. Edi Spirit Abasi anam nnyin “ikon” idaha inọ Enye. “Itoho ke odudu, inyuñ itoho ke nsomidem, edi oto ke Spirit mi Jehovah mme udim odohọ” (Zechariah 4:6).

### **Mbuba Mme Anditiene-Christ**

Paul, owo-mbet ama emen uwem anditiene-Christ odomo ye mbuba. Enye eketiñ ete ke mbuba ererimbot owo kiet kpọt enyene ndibọ utip. Edi ke mbuba Abasi kpukpru nnyin imekeme ndifehe ke usuñ emi ikemedede ndibọ utip. Enye ama etiñ ete “Mmọdo sia otu ntiense eke ewakde ntem ekande nnyin ekuk, ayak nnyin nde ikponore kpukpru mbiomo inim nkañ kiet, ye idiok-nkpọ eke eyirede nnyin ke kpukpru edem; enyuñ ayak ifehe mbuba eke anade nnyin ke iso ye ime” (Mme Hebrew 12:1). Ndusuk ini, imekeme ndifehe mbuba suñ-suñ oto ke idomo ye udonọ ye mme nkpọ efen edi nnyin isuk ifefehe. “Okposuk edi nte owo edide suñ-suñ, enye ke edi.” Abasi ebeñe akwa utip onim onọ mmọ edifehede mbuba emi ye ime ikosim utit.

### **Ekon**

Paul nko ama odomo uwem anditiene-Christ ye ekon. Abasi oyom owo-ekon emi ekemedede “ndiñwana, ekpe ebire inyuñ inamke abiaña” inyuñ ifiake edem ke ini eñwan osonde. Enye iyomke owo emi edide owo-ekon ke ofon ikpon-ikpon. Owo ana enyene Ikọ Abasi emi enye ekemedede ndiwut ke ini idomo osonde akan. Owo ekededede ekeme ndidu eti uwem ke ini kpukpru nkpọ asañade nte ofonde ye enye; edi enye eyewut se idude enye ke esit ke ini idomo. Abasi odohọ ete ke Imọ iyesiak usuñ ubohọ ke ini idomo. Owo emi akpade mba ke ini idomo, idighe edidiọñ inọ owo ndomo kiet. Enye idighe edidiọñ inọ mbon efen emi esañade ke usuñ uwem, ndien edieke enye mikabakede esit, enye eyenam ukpọñ esie atak.

Ke ini okposon idomo edide, ka bine Abasi nyuñ biere ete ke emi edi ini ndiñwana nnọ Obon. Ini edi emi ndidi eti owo-ekon. Ke afo obonde akam, afo emebin udim mme ndedehe spirit efehe. Abasi onwonon ete “Owo mbufo kiet eyebin tosin: koro edi Jehovah Abasi mbufo añwana ekon onọ mbufo, kpa nte enye okodohode mbufo” (Joshua 23:10). Abasi añwana ekon onọ mmọ emi ekopde uyo Esie, emi

enyuñ ebuotde idem ye Enye ke ofuri esit mmọ. Enye ọñwọñọ ete: “Sese, mmọñọ mbufo odudu . . . nyuñ ñkara ofuri odudu usua” (Luke 10:19). Enye ọñ nnyin odudu ke uwem, emi koro ke uwem emi okurede, nnyin iyeyak ñkpọ-ekọñ nnyin inim. Nnyin iyekan ke mme ekọñ nnyin. Utip mme andikan edi anyanya eti ido, kpa nsinsi uwem.

### **Mme Eñwọñọ Emi Enyenede Andikan**

Abasi anam utibe eñwọñọ ọñọ mme andikan. “Owo eke akande, nyenọ enye ndidia mfri eto uwem, emi odude ke Paradise Abasi” (Eriyarare 2:7). Nnyin iyedu uwem ke nsinsi. Ke ini owo akanamde idiok ke Iñwañ Eden, Abasi ama onim cherubim ndikpeme Eto Uwem mbak mme anam-idiok ekudia ndien edu uwem ke nsinsi. Nte ikpedighe ñkpọ-ndik edieke mme idiok owo ekpedude uwem ke nsinsi ndinam idiok mmọ ke ererimbot emi? Edi ke ini andikan edisimde Heaven, Abasi eyenọ enye ifet ndidia eto uwem oro nyuñ ndu uwem ke nsinsi.

“Owo eke akande, udiana-akpa mkpa idifiomoke enye” (Eriyarare 2:11). Udiana mkpa edi nsinsi nsobo. Andikan idinyeneke ndik ite ke imekeme ndiduok erinyaña ndien eka ke hell. Ke ini enyañade enye ke Heaven, enyaña enye ke nsinsi.

“Owo eke akande, nyesio ndibe manna nnọ enye adia, nyenyuñ nnọ enye afia itiat, emi ewetde obufa enyiñ ke esit, eke baba owo kiet mifiokke, ke mibohoke andibọ” (Eriyarare 2:17). Odu mme ọsọñ-urua ndibe-ñkpọ emi edude ke ufot nnyin ye Abasi edieke nnyin idide mme andikan. Nnyin imekeme nditiñ nnọ Enye se nnyin mikpetiñke inọ baba owo kiet efen, ndien Enye ọfiok onyuñ ekere abaña. Enye eyenọ nnyin enyiñ emi owo efen midifiokke, edi nnyin iyefiok ke ini Enye edikotde nnyin.

“Owo eke akande, onyuñ anamde mme utom Mi tutu osim utit, nyenọ enye odudu ndikara mme idut; ndien enye eyeda esañ ukwak akara mmọ” (Eriyarare 2:26, 27). Nnyin inyene ndinam akpanikọ tutu osim akpatre man otodo ibọ utip emi Abasi enyenede ọñọ nnyin. Edieke nnyin ikutde ukut ye Christ mi, nnyin iyeda ubọñ ye Enye. Iyenyene odudu ndikara mme idut ye ọkposọñ ubok, kpa ye esañ ukwak. Kpukpru owo eyenim mme mbet emi Christ edinimde ke ini ukara Esie ke isọñ.

“Owo eke akande, eyesine enye afia ọfọñidem ntem; ndien ndisioho enyiñ esie mfep ke ñwed uwem, ndien nyenyime enyiñ esie ke iso Ete Mi ye ke iso mme angel Esie” (Eriyarare 3:5). Jesus eyenọ mme andikan ukpono, kpa mmọ emi enamde Iko Esie, enyuñ enamde ñkpọ enọ Enye ke akpanikọ ke ererimbot emi ke ufot ukọbọ. Enye eyedioñọ mmọ nte mme anam-akpanikọ ke iso Ete Esie, ndien mme angel eyese enyuñ edara koro Iyip Jesus akafakde mmọ, okonyuñ anamde edisine-ñkpọ mmọ esana, anam mmọ edot ndiduñ ke Heaven ye Jesus ye mme angel Esie. Ke ini mmọ ekemanade obufa, ema ewet enyiñ mmọ ke Heaven, ndien mmọ ikanamke idiok emi akpanamde esohi enyiñ mmọ efep.

“Owo eke akande, nyenam enye edi adaha ke temple Abasi Mi, ndien enye idiworoke do aba; nyenyuñ ñwet enye enyiñ Abasi Mi ke idem, ye enyiñ obio Abasi Mi, kpa obufa Jerusalem, emi otode ke Abasi Mi ọsuhore ke Heaven edi, ye obufa enyiñ Idem Mi” (Eriyarare 3:12). Mfin, Jesus edi Akwa Oku nnyin, edi ke ini Enye edifiakde idi, Enye edidi nte Ọbọñ mme mbọñ ye Edidem Ndidem, ndien ikot Esie eyekara ye Enye. Enye eyewet enyiñ Esie ke idem mmọ, onyuñ esin uduot Esie ke idem mmọ man mme owo efiok ete ke mmọ edi mmọ emi ekefakde, kpa mmọ emi Enye akakpade abaña.

Ikot Esie edi adaha. Adaha edi se owo ekemedede ndiberi idem. Enye itiñke ikọ baba kiet, iworoke ikpọñ itie esie, edi enye omum ọkọm-ufok akama onyuñ edi ata akpan ñkpọ. Eyen Abasi ekeme ndinam akpanikọ ukem nte adaha ke ufok-Abasi.

Nte akpatre Enye ọkọdọhọ: “Owo eke akande, nyenọ enye nditie ye Ami ke ebekpo Mi, kpa nte Ami ñkakande, nnyuñ nsuhore ntie ye Ete Mi ke ebekpo Esie” (Eriyarare 3:21). Jesus ke ini Enye okodude ke isọñ, ama okut kpukpru ufen emi nnyin ikutde, ndiwut ete ke edi mmem-mmem nnyin ndinyene erikan. Sia Enye akakande, nnyin imekeme ndikan, ñko, edieke iyakde odudu Esie edi odudu nnyin. Ke kpukpru ekọñ okurede, enyuñ enamde kpukpru utom ema, nnyin iyetie ye Jesus ke ebekpo Esie.

## **MME MBUME**

- 1 Nso ikeme ndinam uñwana Eti-mbuk okim ke uwem nnyin?
- 2 Nso ke ofuñ-isqñ enyene ndinam man oto do enye ofuñ nte enende?
- 3 Nso ke Ñwed Abasi qdohq ete nnyin ikere ibaña?
- 4 Ikeme didie “ndikut” Jesus idahaemi?
- 5 Didie ke anditiene-Christ anam ñkpq Abasi enyene uku?
- 6 Paul ada didie uwem anditiene-Christ odomo ye mbuba?
- 7 Siak ndusuk mme eñwoñq emi Abasi qñwoñqde qnq andikan.